

大唐開元禮



大唐開元禮



大唐開元禮卷第四十三

吉禮

肅明皇后廟時享有司攝事

齋戒 陳設 省牲器 晨裸 饋食

齋戒

將享有司卜日如別儀 前享七日平明太尉誓百
官於尚書省曰某月某日時享於肅明皇后廟各揚
其職不供其事國有常刑凡預享之官散齋四日致
齋三日 散齋皆於正寢致齋二日於本司一 散齋理
日於齋坊其無本司者皆於齋坊
事如舊惟不弔喪問疾不作樂不判署刑殺文書不

行刑罰不預穢惡致齋惟享事得行其餘悉斷其享
官已齋而闕者通攝行事諸享官致齋之日給酒食
及明衣各習禮於齋所光祿卿監取明水火太官令取水於陰鑒取火於陽燧火以供爨水以實尊
前享一日諸衛令其屬未後一刻各以其方器服守衛廟門每門二人每隅一人與太樂工人俱清齋一宿

陳設

前享三日右校清埽內外守宮設享官公卿以下次於齋坊之內
前享二日太樂令設宮懸之樂於廟庭東方西方磬簋起北鐘簋次之南方北方磬簋起

西鐘簾次之設十二罇鐘於編懸之間各依辰位樹

路鼓於北懸之內道之左右植建鼓於四隅置祝敎

於懸內

祝在左
敎在右

設歌鐘歌磬於廟堂之上前楹閒北

向磬簾在西鐘簾在東其匏竹者立於階閒重行北

向相對爲首

凡懸皆展
而編之

諸工人各位於懸後東方西

方以北爲上南方北方以西爲上前享一日奉禮

設享官公卿位於東門之內道北執事位於道南每

等異位俱重行西向以北爲上設御史位於廟堂之

上一位於東南西向一位於西南東向令史各於其

後設奉禮位於樂懸東北贊者二人在南差退俱西

向設協律郎位於廟堂之上前楹閒近西東向設太樂令位於北懸之閒北向設門外位享官公卿以下皆於東門之外道南每等異位重行北面西上設牲勝於東門之外當門西向以南爲上設廩犧令位於牲西南史陪其後俱北向設太祝位於牲東當牲後祝史陪其後俱西向設太常卿省牲位於牲前近北又設御史位於太常卿之西俱南向設尊彝之位於廟堂之上前楹閒於室戶外之左北向春夏鷄彝一鳥彝一犧尊二象尊二山罍二秋冬犂彝一黃彝一著尊二壺尊二山罍二皆加勺冪冪以皆西上各有

坵焉以置設簋簠登鉶籩豆之位於堂上俱東側階

之北四簋居前四簠次之次以六登次以六鉶籩豆

爲後皆以南爲上屈陳而下設洗於東階東南北向

壘水在洗東筐在洗西南肆筐實以圭執尊壘者位

於尊壘之後

省牲器

省牲之日午後十刻廟所諸衛之屬禁斷行人太廟

令整拂神幄 晡後二刻太廟令帥府史二人及齋

郎以尊坵壘洗筐冪及籩豆鉶登入設於位加以巾

蓋凡器物皆晡後三刻太祝與廩犧令以牲就勝位

大唐開元禮 卷第四十三 三

謁者引太常卿贊引御史入詣東階升徧視滌濯

於上凡導引者每曲一逡巡於視濯執尊者皆舉幕告潔訖引降就省牲位南

向立廩犧令少前曰請省牲退復位太常卿省牲廩

犧令又前北面舉手曰腍還本位太祝循牲一匝西

面舉手曰充還本位太祝與廩犧令以次牽牲詣廚

授太官謁者引光祿卿詣廚省鼎鑊申視濯漑贊引

引御史就廚省饌具太常卿以下每事訖各還齋所進饌者入徹邊

豆簋簠鉶登以出享日未明十五刻太官令帥宰

人以鸞刀割牲祝史取毛血共實一豆遂烹牲祝史

洗肝於鬱鬯又取腍膋共實一豆置於饌所

晨裸

享日未明四刻諸享官各服其服太廟令良醢令各

帥其屬入實尊罍

鷄彝尊彝及犧尊象尊著尊之上尊皆實以明水山罍之上尊實以

玄酒鳥彝黃彝實以鬱鬯犧尊實以清酒

太官令帥進饌

者實諸邊豆簋簠

未明三刻奉禮帥贊者先入就

位贊引引御史博士太廟令太祝宮闈令及令史祝

史與執尊罍篚冪者入自東門當階閒重行北面西

上立定奉禮曰再拜贊者承傳御史以下皆再拜訖

執尊罍篚冪者各就位贊引引御史太祝詣東階升

堂行埽除於上令史祝史升行埽除於下訖引降復

位 未明二刻贊引引太廟令太祝宮闈令詣東階
升堂太祝宮闈令入室開炤奉出神主置於座引太
廟令以下降復位 未明一刻謁者贊引各引享官

俱就東門外位太樂令帥工人二舞次入就位文舞

入陳於懸內武舞立於懸南道西

其升堂座者皆脫屣於下降納如常

謁者引司空入就位立定奉禮曰再拜司空再拜訖

謁者引司空詣東階升堂行埽除於上降行樂懸於

下訖引復位初司空行樂懸訖贊引引享官以下次

入就位立定奉禮曰眾官再拜眾官在位者皆再拜

訖謁者進太尉之左白有司謹具請行事退復位協

律郎跪俛伏舉麾

凡取物者皆跪俛伏而取以興鼓奠物則跪奠訖俯伏而後興

鼓

祝奏永和之樂乃以黃鍾之均作文舞之舞樂舞九

成

黃鍾三奏大呂太簇應鍾各再奏

偃麾戛敔樂止

凡樂舉麾而奉作戛敔而止

禮曰眾官再拜眾官在位者皆再拜謁者引太尉詣

壘洗盥手洗瓚訖謁者引太尉升自東階詣尊彝所

執尊者舉冪太尉酌鬱酒訖登歌作肅和之樂以圜

鍾之均謁者引太尉入詣神座前北面跪以鬯裸地

奠之興謁者引太尉出戶北向再拜訖登歌止謁者

引太尉降復位初眾官拜訖祝史奉毛血及肝膋之

豆立於東門外齋郎奉鑪炭蕭稷黍立於肝膋之後

於登歌止祝史奉毛血肝膋與奉鑪炭蕭稷黍者以次入自正門升自泰階太祝迎取毛血肝膋於階上入奠於神座前祝史退立於尊所齋郎以蕭稷黍各置於鑪炭下降自阼階以出太祝取肝膋出戶燔於鑪炭還尊所

饋食

太尉既升裸太官令出帥進饌者奉饌陳於東門之外重行西向以南爲上謁者引司徒出詣饌所司徒奉饌初太尉既至位太官令引饌入自正門俎初入門雍和之樂作以無射之均饌至泰階樂止祝史進

徹毛血之豆降自阼階以出饌升太祝迎引於階上
設於神座前設訖謁者引司徒以下降自阼階復位
太祝取蕭稷黍擣於脂燔於鑪炭還尊所謁者引太
尉詣罍洗盥手洗爵訖謁者引太尉升自阼階詣尊
彝所執尊者舉冪太尉酌醴齊訖坤貞之舞作謁者
引太尉入詣神座前北面跪奠爵出戶北向立樂止
太祝持版進於室戶外之右東面跪讀祝文曰維某
年歲次月朔日子孝子開元神武皇帝某謹遣攝太
尉某官臣某敢昭告於皇妣肅明皇后劉氏氣序流
邁時維孟春永懷罔極伏增遠感謹以一元大武柔

毛剛鬣明粢薌合薌其嘉蔬嘉薦醴齊敬修時享以
申追慕尙饗訖興太尉再拜初讀祝文訖樂作太祝
入奠版於神座出還尊所太尉拜訖樂止太祝以爵
酌鬯福酒一爵持進太尉之左東向立太尉再拜受
爵跪祭酒啐酒奠爵興太祝減神前三牲胙肉皆取前脚
第二加於俎又以籩取稷黍飯興還尊所以胙肉置
一俎上以飯置一邊以飯授太尉太尉受以授齋郎
又以俎肉次授太尉太尉每受以授齋郎訖太尉跪
取爵遂飲卒爵太祝進受爵復於坫太尉興再拜謁
者引太尉降復位文舞出鼓祝作舒和之樂出訖夏

敵樂止武舞入鼓祝作舒和之樂立定戛敵樂止初
太尉將復位謁者引太常卿詣罍洗盥手洗爵訖謁
者引太常卿升自阼階詣尊彝所執尊者舉冪太常
卿酌盞齊武舞作謁者引太常卿入詣神座前北面
跪奠爵興謁者引太常卿出戶北向再拜訖太祝以
爵酌罍福酒一爵持進太常卿之左東向立太常卿
再拜受爵跪祭酒遂飲卒爵太祝進受爵復於坵太
常卿再拜訖降復位太常卿獻將畢謁者引光祿卿
詣罍洗盥手洗爵酌盞齊終獻之禮一如亞獻之儀
訖光祿卿降復位武舞止登歌作雍和之樂太祝入

大唐開元禮卷第四十三
室徹豆還尊所

徹者遵豆各一少移於故處

登歌止奉禮曰賜胙

贊者唱眾官再拜眾官在位者皆再拜

已飲福受胙者不拜永

和之樂作奉禮曰眾官再拜眾官在位者皆再拜樂一成止謁者進太尉之左白禮畢謁者贊引各引享官以次出贊引引御史太祝以下俱復執事位立定奉禮曰再拜御史以下皆再拜贊引引出工人二舞以次出宮闈令納神主如常儀其祝版燔於齋坊

大唐開元禮卷第四十三

大唐開元禮卷第四十四

吉禮

孝敬皇帝廟時享有司攝事

齋戒 陳設 省牲器 晨裸 饋食

齋戒

將享有司卜日如別儀 前享七日平明太尉誓百

官於尚書省曰某月某日時享於孝敬皇帝廟各揚

其職不供其事國有常刑凡預享之官散齋四日致

齋三日

散齋皆於正寢致齋二日於本司一
日於齋坊其無本司者皆於齋坊

散齋理

事如舊惟不弔喪問疾不作樂不判署刑殺文書不